

六八六・史部・地理類

〔光緒〕順天府志一百三十卷附錄一卷（卷九十九至卷一百三十）

〔清〕周家楣 沈秉成 薛福辰修

張之洞 繆荃孫纂

2643/06

人物志九

光緒順天府志九十九

先賢九

黃岡洪良品兼江陰縣丞孫履輯

國朝

杜立德子恭俊

劉漢儒

郝傑子惟訥

韓元盛

楊春茂子自牧

芮昌齡

駱養性

王昂

李可楨子燁

趙明徵

丁林聲

王世德子源

劉永嘉

袁懋功兄懋德

楊瑣弟瑛

朱之弼弟之佐

劉樵

劉克家弟克讓

楊三知

王景祚

林起龍

王崇簡子熙燕弟崇節

方國棟子承隆

張元樞

張士甄弟士堯

謝泰

雷一龍從子

順天府志九十九

高光夔

顏敏

徐化成

陳慎弟協

田種玉

紀克明

劉芳躅弟芳節

國朝

杜立德字純一寶坻人志一統

生有異兆長而攻苦積學王熙杜文端公墓誌

銘明崇禎十六年進士順治二年以順天巡撫宋權薦授中書考

選戶科給事中漢名疏言治平之道有三曰敬天曰法古曰愛人

上嘉納六年疏陳漕弊言漕臣庫禮搜獲運官使費用三十本送

部其中所費皆東南數百萬赤子脂膏供食墨者之魚肉請按款

察究從之八年疏請舉經筵擇經明行修之士為講官又請定朝

期杜加派肅

禁地均蒙

嘉納初睿親王攝政給事中許作梅御史吳達李森先等交章劾

大學士馮銓姦貪狀疏上已旬日未下事略立德疏銓所行弗類

諸臣具實以告非私論也將逾旬日未蒙鑒裁恐無以鼓直言之

氣又如逋逃之馬士英阮大鍼宋企郊等或納賄招權或煽惡流

毒急宜捕誅以彰法紀疏下刑部以事在赦前擬議臣傳及

聖祖親政黜馮銓事略立德疏言前此糾劾馮銓諸言官如許作

梅吳達李森先桑芸等並為銓所切齒漢名臣傳又僉都御史趙開心

素為銓所忌相繼構陷斥去之茲逢

聖政方新乞矜察開心等皆得

旨起用事略九年立德遷太常寺少卿三月擢工部右侍郎六月

調兵部左侍郎十一年二月

上以畿輔入府上年遇水發帑賑濟簡才能清正大臣十六員督

順天府志九十九

率府州縣衛官散給立德同通政使喀愷分賑大名府所屬一州

十縣一衛還奏稱旨四月調吏部右侍郎漢名臣傳累遷刑部尚書每

遇重辟必周詳審慎反覆為求生路得則退有喜色不得則日中

不出署抵暮歸或竟忘食一日入奏既退

世祖顧左右曰爾等識此人乎此新授刑部尚書杜立德也不要

一錢不妄殺一人其為

上所褒獎若此志十一康熙元年調戶部尚書二年加太子太保

三年典會試轉吏部八年拜

國史院大學士其明年改內三院為內閣授

保和殿大學士兼禮部尚書晉太子太傅先正時粵東初返正所

司具正賦雜稅之數以聞

上以問諸閣臣立德對曰廣東雜稅多係向之信所加為民間大

累非朝廷正額

皇上富有四海何需此區區數萬金錢今兩粵變亂甫定正合與民休息臣謂除之便

上從之居易錄

聖祖嘗論左右開臣如杜立德真不愧古大臣十二年再與會試先正韓文懿奏會卷已遺本房勒帛立德搜遺卷獲之遂定首選紅豆樹居相位十餘年恩禮優渥嘗

賜宴

內庭先正

特命列坐殿內漢大學士入殿坐自立德始也甯河二十一年正月

上元節

賜廷臣宴立德有疾未預

順天府志九十九

上道中使資酒饌

賜之

諭曰卿弼亮老臣久任機密茲海宇蕩平時當令序賜宴羣臣卿卧病不克同此歡譙特遣中使慰問賜以醴饌卿共加餐珍攝以副朕倦倦至意漢名初寶坻以隸通州故分派別船百有二十甚

為民累以立德力陳得減洪志五月以疾乞休允解任調理命乘

輿回籍遣行人司員護送漢名

御製五言律詩一章及怡情洛社圖章以榮其歸幾輔唐志既致

仕家居又以

太宗實錄告成賜銀幣鞍馬加太子太師墓誌三十年卒于家年

八十有一

賜祭葬如典禮漢名諡文端一統立德為人慈和謙慎恂寡言

及當大事決大疑則持正毅然不可奪練習朝章遇事有措置援

據掌故參酌時宜兼集衆長期於允當過物坦平不立畛域雖布

衣下位無生平之雅者果有一長必為稱引墓誌德器厚重人不

見其喜怒之色京師有無賴子偶與驛卒因乘醉隨與後辱言立

德若不聞無賴子隨至邸第詈不止久之遣問之曰可已乎無賴

子歸酒既醒或告以昨辱宰相倉皇詣第謝罪立德慰遣之仍予

二金令改行生理無賴子感泣而去歲時必至門叩拜卒為善人

云子恭俊池北偶

恭俊先正以恩蔭補工刑兩部司曹綜核詳審具有條理以憂歸

甯河康熙三十九年迎

駕三河

上詢知故相子甚喜并問立德葬處

順天府志九十九

御書永言惟舊四字賜之補刑部督捕侍郎勸逃緝諸案多所保

全出知廣信府未幾卒恭俊內行完備推財讓產尤能濟人緩急

縣有陳姓者欠官糧三百金將鬻其女恭俊捐金代償而嫁其女

邑人稱之幾輔唐志父子並祀鄉賢先正

劉漢儒大城人幾輔唐志明天啟二年進士崇禎時累官至四川

巡撫流賊寇薊州圍太平石砬土司秦良玉率兵援之漢儒運重

慶米以濟其軍太平圍解中書涂原練鄉勇守梁山擊退賊漢儒

及巡按御史黨崇雅請以蜀人治蜀兵仍用原莊烈帝不許並罷

漢儒本

朝順治元年五月起授都察院左副都御史二年八月御史王守

履劾漢儒係大學士馮銓黨為僉都御史江禹緒營求招撫鄖陽

漢儒具疏辨並引病求罷得

自劉漢儒無端被誣著益盡心職掌以振風化三年復以病乞休
傳漢儒天性孝友事孀母承顏順志事兄嫂以敬撫孤姪以慈
處宗黨鄰里恩情篤摯周郵備至立朝居官忠盡廉直校禮閣掌
計典矢公矢慎人沐薰陶人稱藻鑑云漢儒康熙四年卒

賜祭葬如例臣康熙六十年祀先賢

郝傑字君萬霸州人幾輔唐志始祖郝文忠公經元初僑寓於燕

因家焉郝公孫郝九思隱居以求義聞義舉父鴻猷

明萬歷已酉舉人王崇簡知陝西延長縣傳傑幼毅然自立

不習鄉井輕儇態嗜學嗜書言文辭麗蔚王十餘歲出就學使

者試學使者奇之由是聲名藉甚馬誌天啟甲子舉人王從其父

鴻猷之官延長時左右皆賊壘一統傑帕首袴褶負弓矢前驅以

鞭稍叩壘門大呼曰我霸州舉子郝傑也從父之官過而假道於

順天府志九十九

五

若若許我幸甚不則請先死於此以頸血濺虎落矣賊壯其言許

之顧傍賊曰趣為我秣馬又曰饑矣趣飯飯我賊為進酒食飲啗

如流食已解睡鼻息撼壁壘賊魁騎而馳傑躍馬從之笑曰能乘

是乎即以騎予傑由是馬首所嚮羣賊辟易竟事亡誰何者及賊

攻延長謀知假守者假道舉子也遂遂巡引去傳崇禎丁丑進士

唐志授太常寺博士甲申三月考選給事中未受命而賊破都城

賊以偽官逼人傑懼汚偽命乃削髮居行人司中誓以死殉賊多

其義而釋之乘間歸里王傳

皇清定鼎召收遺逸傑既夙負重望且近在畿輔地因首膺

召命馮誌順治元年授行人尋遷戶科給事中漢名念

國家初創必先為根本計且民志不定則僭踰日生惟禮可以已

之因上言宜開經筵祀闕里以示天下所先中云有一國者有一

國之規模有天下者有天下之規模

皇上為天下主必紀綱定而朝廷尊滿洲貴人宜辨服章別儀從

使漢人望而知敬漢官亦宜辨章服別儀從使滿人見而加禮疏

上內外是之傑雖居言路未嘗撻拾人短長以沽直名凡有所言

皆存忠厚開國之意時庶務未定廷臣有過無大小輒下刑部傑

復上言曰法者天下之平也法量過以為受則法行而人知恩若

罪無大小悉歸司寇則考功之法廢矣使天下士朝囚首而對簿

拜冠帶而服官非所以尊體統而養廉恥也自是乃分別降罰先

議而後請

旨羣下始無輕詣西曹者未幾江南平降臣蔡奕琛阮大鍼等咸

冀錄用傑上疏謂奕琛以賄得內閣與大鍼等朋黨為奸以亡江

南易曰開國承家小人勿用正謂此也奕琛等宜黜退馮誌江南

順天府志九十九

六

新定宜急擇賢能早為除官又朝賀大典內監不得入班行禮俱

下部議行八年遷通政司參議九年遷光祿寺少卿尋授大理寺

正卿漢名傳時重囚不時報決傑請復熱審秋決舊例允之唐志十

二年擢戶部右侍郎漢名長子惟訥拜通政司右參議父子同朝

位躋九列憂其過盛不俟引年遽乞休遂徑蕭然日危坐課子讀

書每至夜分風雨不少廢或故人偶集春黃梁觴白酒相顧微吟

胸中浩如也惟訥歷官少幸迎養京師輒不至偶一至信宿而去

惟諄諄以廉慎報國易之久之風疾微作惟訥擬請假歸侍僕止

之日已瘳矣既而幼子方執經於前端坐微笑而逝傑軀幹厚聳

廣頰疎髯人望之敬慕撫世酬物一以至誠不喜以疾言厲色加

人與人言稍及雖黃印亂以他語其律已端肅而儉樸王屋第不

容旋馬室無漆漆交牀坐器王熙都恭定惟訥在閤時聞人有以

計偕入謁者僕被淋濯衣出見日吾兒在閨其無罪于百姓乎人生親老家貧多為不廉吏今吾藉先世資瘠薄田足餬粥吾勞於此分祿以養其妻子所以勸為廉吏也見者備言治行則大喜王

平生事繼母倍孝內外無間言繼祖母張氏雙目失明年九十

病危僕扶持出入侍湯藥不少懈嫂李氏少寡馮以次子惟謙

為之子王康熙四年祀鄉賢唐

惟訥字敏公母李太夫人孕時家有盜警夫人倉卒墜樓傷股忽

有老嫗詣門自言能療且日腹中兒當大貴吾并活之一手摩股

久之投藥少許骨格有聲遂相屬胎竟不墜酬以金帛辭弗受

竟去不知所之池北偶談遂生惟訥為兒童嬉戲智出成人王熙

和公順治四年進士授刑部主事歷遷員外郎漢名與父傑同

朝士大夫爭欣羨之七十一七年授福建督糧道漢名大兵下

漳南糧運多阻惟訥督米萬石率舟師浮海達泉州一軍飽騰海

疆平王巨寇張自盛犯延邵惟訥設方略挫其鋒復用間離其

黨羽自盛就擒撫按交薦王召為通政司右參議歷太僕少

卿左通政陟大理寺卿戶部右侍郎王十五年調吏部左侍郎

康熙三年充會試副考官四年正月擢都御史二月疏言自巡按

奏裁地方巡視責歸督撫督撫任重事繁出巡動踰旬月恐誤公

事况騎從重多經過滋擾至屬官貪廉問疾苦勢不能逐人逐

戶咨訪耳目仍寄司道所託得人則舉劾自真民隱自達請嗣後

事關重大者仍親身巡察餘概停下部議行八月疏言貪官逢赦

止免應得之罪仍革職追贓此定例也近有藐法肆貪累審成招

罪至應死者因赦免罪並交吏部議處竊思憲役賦歛審實雖經

赦免仍行革役此輩身為職官饕餮狼籍未可令其玷名器貽害

地方雖新例赴部另補而貪殘所至播虐為均請飭部定議凡賦

歛審實者雖事在赦前止免應議之罪仍行革職庶官箴可肅民

害可除

上是其言五年遷工部尚書調刑部禮部八年四月調戶部十一

年調吏部尚書臣傳杜絕請託奸胥不敢有所上下銓政以肅補

唐兵興開捐納事例正途日壅惟訥為斟酌資格按缺分選銓法

稱平焉王言官論事實例不免惟訥議免之先後獲全者數人

既而疏請寬言路處分例謂從來治亂關於言路通塞優容而嘉

與猶恐謏言不至豈可因而加罪扶持正類皆此類也王誌銘

云十八年上以給事中姚瑩所奏風聞言事疏召廷臣傳

議惟訥奏稱言官奏事原不無其風聞但風聞奏參審問全虛者

有處分例者不加處分恐有借風聞挾私報怨者請仍照定例行

納諫有如此二疏茲惟訥精於吏事笑談立辦若無事者其所區畫

并錄其要略於此順天府志九十九

處置人不能及王誌在朝廷持紀綱朱志遇大事非惟訥不能決

常以疾在告大臣罷議以待王誌為人外和內剛性簡澹朱志持

清操歷官三十餘年家無餘資王誌卒

賜祭葬如例諡恭定臣傳從弟惟訓順治壬辰進士除徽州推官

攝御史巡鹽河東有惠政子士鉅以蔭官江南太平知府並祀鄉

賢王誌

韓元盛字心一通州人順治二年授山西甯武關陽方口守備修

城練兵報最擢利民參將時流寇餘孽竄伏交城山中元盛奉撫

檄往勦而大同總兵姜瓖忽據城叛利民失守元盛聞變還遇賊

被執脅降不屈扇之別室賊中有元盛舊卒因共謀誅賊次日元

盛懷利刃與賊語奮臂殲其魁舊卒并力持刀殺賊眾悉股栗受

約束遂復利民英親王統兵至元盛詣軍門謝罪左遷衡州府都

司致仕歸孫瑛官貴州寶安知縣通州高志

楊春茂字奎東昌平人崇禎十五年舉人會丁世變西北岌岌如鼎卵春茂常撫劍太息或夜起旁皇四顧輒泣數行下甲申賊延壽昌平乃倡義與同志之士賈勇迎戰縛其巨魁磔而祭諸陵聞者快之

本朝定鼎初謁選得山西猗氏令猗當兵燹後城盡空春茂招集流亡獨其賦役興其種藝猗之民始獲蘇息尤善折獄適姦燭弊纖毫無遁情有某掾不法下牒拘之給云死矣知其詐拘益急昇至堂下命杖之掾歛然起稽顙乞命一時吏民驚服謂李洛陽張真源無以過也甫九月而報績擢工部屯田司主事去任日百姓攀轅遮路累遷郎中監督兩審一錢不取尋以艱歸服闋補庫部郎

順天府志九十九

九

上知其清介深嘉之丙申以副使轄甘肅甘肅去京師數千里宦斯土者皆苦之春茂束書數卷輕車就道到官接屬以和屬吏多武人咸樂爲用有持金帛獻者必峻卻之或餽以苦菜一筐則欣然受之人疑嗜菜餽者如織笑曰肉食者鄙昔人恥之范希文齋粥固吾分也得此以給盤殮可勵清節人由是益知其廉以他故與某中丞齟齬屢欲劾之中丞母讓之曰監司得人民之福也我數聞楊公冰蘖聲汝身率僚屬有一賢吏而不能容獨不惜與議耶中丞悟而止甘肅地貧瘠例不輸丁銀後有增之者民以爲患春茂力請得罷遠邇士民爭以羊酒爲壽頃不置口春茂無幾微德色一以恩澤歸之

朝廷已亥正月七日忽嬰痰疾遂不起屬纊之日紳士哭於庭商賈哭於途農夫哭於野下至販賣小兒各焚楮錢泣拜其深得人

〔光緒〕順天府志 卷九九

心如此昌平志子自牧

自牧字謙六號預菴義輔詩傳沈酣風雅詩工吟詠不事舉子業昌平詩英剴不落凡近得邊塞之氣居多詩與崑山顧亭林交最善以蔭官江南婁縣丞著有潛籟軒詩集昌平志

萬昌齡字與三寶坻人由歲貢任京衛武學訓導順治初徵授曲周知縣時李賊所授偽官猶在聞昌齡名遁去入城密伺大猾之爲賊詞者捕誅之乃繕城列堡修荒政招流民大兵方駐廣平刻日輦芻糧輸之兵藉以濟擢知商州州城七破於賊衙舍俱廢雞犬無聲昌齡至設法招徠入城者方得五六十家而賀珍之亂又作乃能激厲其民與之堅守賊引去因請於陝督孟公假兵三千俘一隻虎賊黨兩院交薦再轉廬州同知駐無爲州會有丈洲池之役還至泥汭鎮聞土賊伺間攻城急遣水兵數道分擊大破之擒其渠蕭鳳鳴邢老虎等兼攝巢寨殺撫殘黎緩征恤獄諸務就理已丑

順天府志九十九

十

召見遂請假不復出構小軒名曰靜致與子弟讀書其中居久之卒寶坻志

駱養性字太和大興人明季北略故明錦衣衛指揮使崇禎時熊開元姜埰以言事下錦衣獄蕭錄一夕漏下二鼓一小中官持懷宗御筆至池北偶談諭養性取二犯絕命養性附奏繳御筆謂言官有罪當明正典刑今以昏夜殺二諫臣蕭錄則天下皆畏臣衙門之刑不畏陛下之法注有典臣不敢奉詔池北偶談帝意亦解二臣遂免

本朝順治二年授養性天津總督奏請田賦悉照明代原額其違餉五百萬新餉九百萬練餉七百三十萬一概刪除得

旨允行舊錄雜記六

王昂字次重大興人應童子試時授知府督學左光斗左遭瑞禍陰左右之左死號呼當路請葬諡慕黃道周之爲人性耿介不與時合順治十六年進士選庶吉士授編修文章高古書法學顏魯公上下古今議論聲聲卒之日貧無以殮云大興志

李可楨字克生別號坦齋武清人年十四補諸生屢應省試被黜遂絕意進取縱情詩古文詞寢饋經史探索本末源流下筆自成體格一時碑版之文咸倚重焉所著有伐檀集寶德堂詩集爲藝林所推許平生慮事有先識當明季時關寇起京畿南北所在騷可楨卜居城西偏爲避亂計毀家發粟周給貧乏每約誠邑里少年各自守法無習爲暴時他郡邑多煽亂不逞而武清獨帖然本朝定鼎遣將撲滅羣寇有他盜振誣武清人者可楨毅然詣幕

順天府志九十九

二

府陳邑民無辜狀且館弁帥於家乘間周旋調護之凡被繫者悉得釋卒年七十有四子煒坦齋李公墓誌

煒字峻公別號浣盧康熙三年舉人由中書出任饒州同知甫三月丁內艱歸服闋擢補戶部山東司員外郎轉兵部車駕司郎中精勤故事內寅秋東究道缺員九卿會推其才遂膺是命及履任激濁揚清政教畢舉已巳春陞廣東按察使時

聖駕南巡閱河煒司督緯朝夕扈從

上親詢官職姓名

命賜果品抵粵痛洗從前銅習有陵水令楊某素淫橫事發輦數千金寘其門冀求釋煒卻不納卒申以法而性尤慈慎遇命案必再四閱實如部民歐陽元開與黃姓爭田許告因謀殺其族人歐陽世瞻冀圖害黃府縣登審反坐罪於世瞻之兄與姪煒燭其

寃遂得平反聞者悚服庚午陞湖北布政使旋丁外艱癸酉補安徽布政使將之任詣

暢春苑請

聖訓諭云人臣之道惟誠與廉爾果能以治粵者治吳則得之矣煒念江左民力久困因嚴飭有司減火耗禁私派慎平糶裕積貯不三年令布風行江南北多利賴之丙子秋擢山東巡撫臨行士民繪清畏堂圖以贈路旁攀轅而留者數千百人東省地曠民頑素稱難治煒以爲思安民莫若察吏察吏莫若潔躬適有陽穀令具千金請託煒曰此民間脂膏也奈何欲汚我因斥諫之由是大僚屬罔敢干以私者戊寅春以聖誤罷歸已卯冬

上念畿南水患議修永定河隄爲萬世利煒倡先捐貲復親督畚鍤工既竣

順天府志九十九

三

上心甚悅勅部從優議敘卒年六十李中丞傳

趙明徵字哲公其先吳人祖光遠以醫名明神宗朝爲侍直始遷大興父士通精於易著易圖說學者稱潛夫先生明徵自束髮出語卽驚其長者士通慕沈青霞之爲人學其畫梅往往奪其真然頗自秘惜一日畫一枝於繡素自題絕句云桃杏色相別李杏性不同一發寒香後四子稱下風以授明徵明徵受而藏之益自刻勵甲申李自成犯京師明徵扶母胡抱姪篋避臺溪廡胡坐淺水中日急則就深死一賊馳馬過之明徵以身翼母而蔽篋於右腋賊射明徵中胸忍痛拔矢日兒無恙也力持母起匿他所以免鼎革後士通卜居濟南顧謂明徵曰吾東西南北之人也顧西山坵墓在焉子歸矣其代我伏臘祭祀無缺明徵於是獨歸京師奉祀事歲時集諸父昆弟祭畢而觴曰吾有親而離居爲祀先也後之

子若孫日即於疏祀或不畢集憂喜慶弔或不相往來合族之義其謂之何嗣是修祀事唯謹族用敦睦士通兄士美業岐黃老而貧明微構室備藥物家具以娛其老友劉國亮貧士也病且死泣謂明微曰吾母年七十吾又無子天乎奈何誰養吾母者明微撫之曰吾與君為友子母吾母吾在子何戚即子不言吾已心許之古人不忘夙諾尙掛劍墓樹而况託子以母乎劉死葬之養母於家終其身以是孝義之名聞都下順治十一年與兄吉徵同舉順天鄉試明年不第省父母濟南丁酉遊江甯病卒年三十有七

王士正趙君墓誌銘

丁林聲通州人性穎敏髫年工文章通州志順治初舉人任慶符令

地經變亂人民離散林聲抵任後招徠撫綏歲時雜記流民漸集

令民開墾無力者給以牛種邑向苦楠木差役力請豁免慶符鮮

順志九十九

三

科名林聲為新學校勤考課遂有獲簡者士民爭感其德雍正二年祀鄉賢通州志

王世德字克承始祖玉明洪武中自無錫遷北平從靖難之師陣亡於白溝河襲錦衣衛指揮僉事世德少襲世職崇禎末天下大亂人主孤立於上朝臣方持門戶競為朋黨不復以國事為意世德慨然謂人曰今天下有大弊四散亂保邦須經紀才制科以虛文取之所取非所用弊一廷臣日以門戶恩讐相傾軋賢者不免弊二右文左武刀筆吏得持將帥短長弊三三營官軍詭寄糜餉者什八九倉卒有變不知何以待之弊四將上書極言不果平居鬱鬱不自得甲申三月李自成陷京師世德方微巡北城拔刀將引決僕楊坤抱持奮力挽馬趨金剛寺是時妻魏已率諸婦女赴井死寺中僧素善世德相持而哭以僧服進遂祝髮問道奔淮南

僑居安宜以霸臯名其居因以自號與梁鶴林以樟卜鄰偕隱所與遊皆逸民高衲嘗憤野史誣罔不可傳信後世歛歔扼腕奮筆作崇禎遺錄凡野史之謬者正之遺者補之頗勝他說遂卒於淮南康熙十八年

詔修明史徵遺書四方有司錄其副上

史館子源王士正霸臯先生墓誌銘

源字崑繩方苞傳或菴編四少從其父任俠喜言兵北學纂諸葛孔明王文成之為人善古文微存於文章自謂左邱明太史

公韓退之外無肯北面者王崑徐尙書乾學開書局於洞庭山招

源往獨與劉獻廷善日討論天地陰陽之變伯王大略方域要害

近代人才邪正意見皆相同云行記齋縣李塉見其文盡棄少

作而學焉博野顏元講學於鄉里其本在忍嗜欲苦筋力以勤家

順志九十九

十四

而養親而以其餘習六藝講世務備天下國家之用以是為孔子之學自別於程朱源一見大說與塉同師事之微存終日正衣冠對僕隸必肅然自負經世之略益堅每日吾所學乃今始可見之行事非虛語也年四十餘以家貧父老始遊京師備筆墨王崑徐徐相國元交賓禮之諸公排纂經史必就質焉先正與之交與四明萬斯同訂明史稿兵志源所作也後補唐志或病其不習時文笑曰是尙需學而能乎因就有司求試舉京兆第四人李剛主然嘗自謂非其意編四曰吾寄焉以為不知己者詎病也源以貧無資不能不託迹公卿間而常以自鄙未嘗降辭色或極飲大醉嘲謔罵譏中其所忌諱諸公用此陽禮貌之而陰損焉源雖好氣其於人果有善未嘗不降心王崑徐與方苞交最篤嘗與苞論顏元之學為言程朱之所以失顏之所以得日子篤信程

朱恨不能破子之迷也苞日程朱未嘗不有事於此也但凡此乃道之法迹耳使不由靜敬以探其源則於性命之理知之不真而發於身心施於天下國家者不能得其次序源色變爲默然久之自是終其身口未嘗非程朱李剛主先生生平內行篤修其兄死何歲中貌若非人先正五十後葬其親王冕遂漫遊將求名山大川以隱身焉雖妻子不知所之李剛主先生見人不自道其姓名逾六十復歸往來金陵淮揚間客死山陽卒之夕神色傲然無一語及家事著有易傳十卷平書二卷兵論二卷居業堂文集王冕劉永嘉字天申密雲人監生行誼爲時所重提督某延之課讀或有以重金求其圖說者驚曰賂可受乎卒不取後某罷官幕中多株連獨永嘉名不在籍中密雲志

袁懋功字九敘香河人父邦化明山西沁水丞幾輔唐志值流寇

順天府志九十九

主

亂兵火之後代攝縣事撫恤招徠政績甚著直指特疏薦舉以親老辭歸香河志懋功順治二年進士幾輔唐志授禮科給事中漢名建白皆關大計唐志疏請慎簡學官磨勘文體釐定禮制又以前明廢官援

恩詔踵至雜流奔競妄希進用請命吏部會同都察院嚴核才品並停各省撫按舉送皆得

旨如所請四月七月調刑科先是

上允刑部侍郎黨崇雅請定朝審熱審之制所司尙未奉行懋功復言之

詔申飭所司十二月調戶科五年遷刑科給事中八年疏言浙江織造局舊設機戶擇富民充之吏胥誅求爲累民間至破產求脫請飭令禁止疏下部議革機戶名官買絲募工匠織作十年集議

總兵任珍罪隨大學士陳名夏胡世安等以兩議上坐黨附論流徙奉

旨從寬鑄一級罰歲俸是年擢太常寺少卿累遷至通政使十二年擢刑部侍郎尋調吏部十三年以戶部援

恩詔議給員外郎朱世德虧缺額稅吏部扶同議奏部臣降革有差懋功降光祿寺少卿十六年二月擢左副都御史七月請命禮臣詳議歲暮祫祭之禮

上是其言舊直隸武鄉試巡撫主之惟隸京衛者試于兵部至是因懋功請令彙送兵部試騎射技勇用翰林官爲主考試策論十二月擢戶部右侍郎十七年上澄敘廷臣三品以上者有

旨袁懋功才品敏練以要地巡撫用尋授雲南巡撫

特旨許以參將一員隨贊戎務賜袍馬並帑金三千兩皆異數也

順天府志九十九

主

懋功至滇恩信周布幾輔唐志時雲南新開令降兵歸農其久橫鄉里者懼仇人不敢歸懋功慮其復爲賊盜疏請令隨在入籍無主之田任其開墾編保甲以時稽察復請令土官子弟赴學官訓課其優者並許應試滇省在明初駐軍屯田計畝抵餉其後兵不耕而驚諸民輸糧於衛所每畝以四斗有奇爲額至是改隸州縣仍名屯田按額征之視民賦重懋功奏請酌減糧額並言屯田近城邑者可輸糧州縣其山阻路遙如楊林諸所宜仍設衛征糧增廣各州縣額設夫役以供輸運又言滇地高下參差丈量田畝雖一州一邑動經歲月請停派京官履勘諸疏均下部議行康熙六年以父憂歸九年起授山東巡撫漢名建白辭復

賜蟒服鞍馬在任仁慈廉靜正已率下一如撫滇時香河志十年五月以濟南諸府屬五十六州縣衛新墾地被水請展限一年起科

部議不准

聖祖仁皇帝命如所請七年浙江巡撫范承謨病調懋功代之未行仍命各留原任十月懋功卒

賜祭葬如例諡清獻臣傳山左上民公請崇祀名宦十一年本學

諸生周溥鄉民魏延年等公呈督學題請崇祀鄉賢香河劉志兄懋德

字六完唐志幼以孝友聞事父情意肫篤父偶少怒即跣跣不甯

百方解喻否則邀親友相與盤桓必父愉懌乃安父沒哀毀骨立

與懋功友愛甚摯懋功卒懋德方會客聞訃慟哭踣地絕而復甦

座客俱揮淚而散香河劉志以歲貢生官至通政使居鄉以德行稱並

祀鄉賢唐志

楊璜字半玉號澹若宛平人順治三年進士與弟璈馳名都下稱

二楊比之二陸登第授刑科給事中會日食上言辭多切直罪幾

不測以新進言官得寬假先是中外考試官皆由部院考取璜疏

言非體宜改其制由

上定從之繼陞戶部給事中念

國家取民之數不可不惜籍不定則病民其匪頒資予不可不嚴

籍不定則又以病國於是籌多寡出入之數按簿書立經制革關

梁弊政監於前明以裕國恤民為務其條畫創建至今見諸施行

者不可枚舉顧恒焚諫草故事載

國史家乘不傳其意方欲澄清積弊盡去官吏蠹食之奸然不得

竟行其志也左遷補金吾經歷人皆惜之璜曰大小皆朝廷之官

唯盡職而已拜

命四日隨丁外艱歸遂不復出家居五年卒宛平王志

璈字執玉明崇禎癸未進士生而聰穎博極古今初授禮部主政

順天府志九十九

七

陞任陝西學道僉事力杜倖竇有冰清玉潔之稱及備兵雲中值
姜瓖變大兵西征委瓖攝巡撫事籌畫調度姜瓖授首招集殘黎
士民得所為東萊道時值防兵以重運鼓譟擁入道署瓖慨然登
堂曉以大義兵皆投戈感泣反側以消撫轉太常卿歷左右通政

卒宛平王志

朱之弼字右君號幼菴大興人敬輔詩順治二年進士選授禮科

給事中歷遷工科都給事中已丑分校禮閣得人最盛踰一年丁

外艱服闋補戶科都給事中諱直端亮著聲於朝廷累月之間章

數十上雖城社狐鼠之姦苟利國家不避也所言重名器以尊朝

廷革久役以清弊蠹嚴禁派糧積弊及糧船私載事皆施行其論

破積習以圖實效傳三言國家章程大備六部各有成書儻

部臣實心任事利自知舉弊自知革言官不過拾遺補闕而已六

部任事之人視國事如家事猶恐廢弛今則盡若事外疑事畏事

之念多在勞任怨之意少事稍重大則請會議遷延日月行查而

已不然聽督撫參奏科道指糾而已不然苟且塞責無容再議而

已臣愚謂今日之治惟在擇人而久任責成效以定賞罰以行法

伏乞

皇上而召諸大臣親試才品因能授任復考其歷事後與利幾何

視成效多少以定功罪行賞罰無少姑息則人知法之必行而事

舉矣漢名未幾除太常少卿歷右通政宗人府丞擢戶部右侍郎

其明年以公事貶官十五年補光祿少卿轉通政司右參議明年

以左參議擢都察院左副都御史宋公慕疏言巡按未得其人其

要惟責成都御史嚴加考核而已巡按之賢不肖即堂官之賢不

肖臣請與同堂諸官暨請御史約一日操守潔清毋貪污不法一

順天府志九十九

六

曰舉劾得宜毋賢否混淆一日撫按互糾毋瞻徇督撫若臣等定差不公考核不當巡按尤異而不特薦敗類而不特參諸御史亦得糾臣所以交相勸誡者如此至於巡方應行事宜御史親歷其事見聞必確應責掌河南道會同十四道各抒見聞孰為興利除弊之事詳悉陳奏敕部院諸臣定為畫一奏請

睿裁然後刊刻成書永遠遵行下部院議從之漢名是時

世祖方嚴懲貪之典凡貪官得贓十兩以上流徙塞北著為令嘉之弼言此令出撫按所糾必無以大貪入告者何則一經提問有司無不求減贓罪圖免身命雖累千萬期不滿十金而止然則有嚴令之名無嚴令之實也

皇上但擇撫按一大貪者懲之撫按一大廉者獎之眾貪者懼眾廉奮矣夏大旱因奏前山東撫臣耿焞河南撫臣賈漢復墾荒不

順天府志九十九

九

實歲增數十萬之賦百姓重困怨苦之氣積為沴厲宜加勸諭河南報災戶部言六月內旱

皇上步禱甘霖大需處處有秋何以彰德衛輝獨請蠲恤有

旨覆勘之弼固爭以為地有蠶隆澤有羸縮雨露所滋豈無枯槁

因極言覆勘無益與戶部尚書王宏祚力爭於朝宏祚辭卒屈三尋遷戶部右侍郎康熙二年轉左三年充武會試副考官四

年調吏部左侍郎五年七月擢左都御史十月轉工部尚書六年

五月疏言閩省官兵每年所需月米除徵米十萬二千餘石外買

米四十餘萬石每石價銀二兩四錢朝廷買米養兵絕不虧短損

民價恩至厚矣臣聞延建汀邵苦於買米之難賄有願繳田入官

者漳泉之間逐日按地畝均派方司餉未到日借派者有借竟無

還也及司餉既到日均補均補者謂餉米不敷按畝攤派也又巧

立名色曰預徵預徵先事而派也各縣派米於民每石必加六斗又不令納米折價三四兩不等是數倍於正供也請飭該督撫查究夙弊庶免戕削百姓之苦漢名

天子下詔切責督撫大吏大吏以下多得罪閭閻中積弊遂革嘉

七年調刑部尚書漢名既為大司寇則請旗人下軫恤家人更定私

嫁之條俾免離析請免康熙七年酌省存留錢糧以紓百姓嘉

又言貪蠹法非不嚴而貪汚仍敢肆行者特與受同罪之例與者

不敢質證耳請嗣後因事賄賂者照例同罪如因逼抑出錢儻非

官役仍照舊例庶過證與錢者得吐實情而國法伸矣

詔並如所請九年調兵部尚書二十二年會推按察使之弼首舉

道員王瑛

上以所舉非材交部察議降三級調用漢名或勸之自明之弼曰

順天府志九十九

三

吾昨一歲四遷不以無功辭今甫一謫遂以無過自白乎遂歸老

于家三康熙丁卯十月以疾卒年六十有七嘗買妾詢其為

士人女也弗御而嫁之年十六讀書塾中聞鄰有哭聲以貧甚將

鬻其子為之酸金代贖家居謀兒講誦經史暇或策杖逍遙郭外

寄興詩酒人未見其有愠容子三人長儼刑部陝西清吏司郎中

次伺候補內閣中書舍人次价官監生出為弟之佐後嘉

之佐字左人幼孤依伯兄之弼兼師友教誨大興自延師受室及

居處服御皆為辦治自少至老每食未嘗不共順治十四年進士

改庶吉士歷官至翰林院侍讀學士居恒肆力古學不妄交遊好

先儒語錄沈潛研討粹然一出於正與蘇少詹亮工為性命交丁

未分校會元黃仍緒狀元繆彤皆出其門雖踐清華自處若寒素

良辰令節不事聲伎宴飲寂處書齋與二三名儒講道不輟至嚴

事伯兄教姪如子惠及宗黨多仁人長者之行

大興張志

劉樞字玉壘大城人

一統志

順治三年進士試奏議於

午門授戶科給事中會大計撫按糾舉多不以實樞輒拾遺論之

七十一疏言頃見撫院參劾嚴小吏而寬大員非有司多不肖

而道府多賢也勢位漸崇情面難破即如青州道韓昭宣受賄縱

釋叛賊多至十四人巡撫楊聲遠僅議令住俸勒賊罰不蔽辜請

下部飭究昭宣坐視責四年轉兵科右給事中以泰州遊擊潘延

吉棄城遁劾江南巡按宋調元濫舉失當調元亦坐革職是年樞

循大計拾遺例揭山東聊城知縣張守廉贓款吏部奏令所司劾

議以守廉僅失察吏役罰俸三月樞誣職坐革職十年正月吏科

給事中魏家樞疏奏行大計拾遺例且言順治四年

上未親政科臣劉樞糾拾坐誣視革于法未為平允得

順天府志九十九

三

旨糾拾反坐言官壞吏治塞言路以後科道糾拾官即準大計例

議處如科道挾私妄糾計吏部都察院指實參奏又

諭曰吏役詐贓知縣全無覺察僅議罰俸言官反議革職劉樞明

有冤抑其令吏部察奏上

命以原官起用六月授兵科給事中十年充福建副考官十一年

五月疏言近畿水澇之後地畝可耕方春農事尤急請飭撫臣檄

州縣於存留銀內酌借災黎以備籽種俟秋成後照數償官仍飭

親履鄉村察核不使假手吏胥使民得沾實惠十二年五月因復

設巡按御史條上四事一舉劾無徇虛名宜進愼愼吏而抑巧宦

一禁交約以清賄賂之原一提問無致稽遲貽累一慎關防無使

幕役叢弊疏皆下部院行之是月疏言海賊鄭成功蹂躪漳泉窺

伺省會臣前奉使入閩詢悉地勢福清之鎮東衛明時曾駐兵防

倭僮復舊制可以保障長樂可以藩衛會城又宋元以來設州治

於海壇島明初以倭患棄之若設將鎮守與鎮東互為犄角仙霞

嶺乃入閩門戶與江西浙江接壤易于藏奸宜設官控制招民以

實其地使賊無隙可乘又海賊易犯京口皆泊平洋沙為巢穴若

乘賊未至移官兵駐鎮其地賊既退無可據必不敢深入內地疏

既下各督撫酌議以海賊分道入寇請敕鎮海將軍石廷柱等驅

勦後分別駐守十三年授山西河東道十五年轉河南鹽運道明

年遷湖廣按察使尋擢本省布政使

漢名三省大帥會勦楚西山

巨寇日需芻糗數十萬民苦輓餽中途多逸督撫屬樞督運藥藤

緣谷履穿衣裂寢食荒榛宿莽中民咸其勤勞爭貢以赴運寇平

七十一總督張長庚巡撫楊茂勳交章薦其操守廉潔才識精

詳協漢黔兵餉至八百餘萬并清通賦墾地及除鼓鑄積弊數事

順天府志九十九

三

疏下部會樞丁母憂回籍康熙二年服闋補江西布政使

漢名值吳耿變作賊犯吉安南昌兵民譟巡撫門勢且巨測樞單騎諭解

一統志十四年內陞太常寺卿十六年遷大理寺卿明年三月擢

都御史五月疏言自吳逆叛亂軍需旁午大計暫停恐法紀久弛

人情易玩今大兵所至漸次蕩平直省督撫絕無舉劾多以軍需

未竣為辭伏思兵燹之後殘壞已極正賴賢有司招來安輯潔已

奉公若使不肖者滋擾何以澄吏治奠民生息盜賊請令督撫速

行舉劾凡經保舉各官或改行易操一體嚴察不得徇徇干咎

上是其言下部如所請行明年四月病劇乞休五月卒于家

漢名賜諡端敏子祭菲康熙二十二年崇祀鄉賢

劉克家

漢名號振夫順天保定人

戶部北新橋關

順治三年進

欽差權北新關新開關則弊惠商兩地稱為慈父並有德政去思

碑記保定志遷員外郎累官廣東僉事告歸性孝友事親愛敬兼至

喪葬盡誠兄貧為之置產瞻養弟早亡擇嗣令成立時咸稱其義

唐志友人程樂善死代治殮具閭閻士久病供藥餌不缺王麟圖

卒缺祚地乃擇已地以葬且願恤其後人家僕劉安祿服毒斃述

涉李喜所致李喜舉家方驚惶無措既而毫不波及人咸服其德

量保定志邑以堤決被水民人絕食多方賑助鄉里德之唐志凡邑

中利害所繫即拮据自任保定志戊戌秋有以省費裁併小縣之文

克家方在告乃有十不可裁之議一天下有州縣各分邑而理縣

屬皆封疆不宜輕損一邑東西兩淀保定居中彈壓大有關繫一

邑治居十五河漚流堤係三邑性命無官則關會失宜築防失時

必致疏虞一邑去文安四十餘里歸之文則百姓田婚槿差不勝

順天府志九十九

三

跋涉之苦且深隔膜之傷一保定臨大河舟楫之地無官則水路

之私鹽任其往來而陸路之操戈車載地棍勾連誰與稽察緝捕

一保地從無綠林之警裁縣成村盜賊往來借為窩巢文推之霸

則霸受累霸推之文則文受累兩相推而各為隱匿之術勢必多

事一立縣設官為地方為百姓非為官也地方土瘠民貧官何得

有富豈可以官窮遂令百姓無主一保邑事簡民醇易於見德官

此地者從無錢糧盜賊之累

朝廷愛惜人才則此地為人才培養之地又何可少一縣明有執

法之官則幽有司土之神如風雲雷雨山川社稷城隍皆上帝分

司以答陽治一旦議併不但使百姓失父母之邦而令各神斬此

血食何為也一官吏俸薪工食祭祀等銀不過數百兩而已

朝廷賑民修築動經數十萬天下小縣亦多豈得盡裁即裁能省

幾何使百姓流離失所當非

聖主愛民之意劉克家上霸州道傳夢頤乃以所議出結撫院復

疏照舊云保定志卒祀鄉賢唐志弟克讓

克讓性孝友明季之亂弟兄分散奔走亂甫定兄弟畢集獨不見

克家克讓乃大哭曰二兄不來多陷入軍中若有不虞吾何用獨

生為於是昏夜辭母曰兒去尋兄母富自重兒不見兄兒不還矣

遂去不知所之後克家歸而克讓首息杳然矣克家每一念及輒

流涕不止久乃為之立嗣云保定志

楊三知字伯筠良鄉人一統志順治三年進士任榆次縣知縣良鄉志

有惠政耀兵部主事七十六陞本部郎中良鄉志累遷神木道會

提督王輔臣反邊將朱龍應之三知方以代覲還抵保德或止之

日事亟矣公無渡河三知不聽抵鎮日夜為守禦計唐志而守將

順天府志九十九

四

孫崇雅開門納賊執三知命之降不從眾拔刀相擬脅取勅印又

不與一統志賊擁之至署三知給賊出急呼妻妾子婦悉投井中三

知別赴一井賊偵之急負出之右臂已折而不死大罵賊不絕口

賊聞之一室令卒環守仍誘之降一日夜不從賊怒闖扉驅人出

其卒在戶外聞拊擊聲股震震牆屋三知罵賊聲乍高乍下久之

寂然賊啟扉去則三知已死其室無完器三知體亦無甚傷不知

三知若何死也事平

贈光祿寺少卿廕一子唐志

王景祚字振公號迂叟文安人唐志其五世祖所謂王孝子原

者也吳正治王父守明以德行舉鄉飲大賓唐志景祚順治二年

進士唐志授山西太原府推官太原省會地事繁劇前任以不職

罷去案牘充棟景祚以旬日了之撫軍祝世昌大喜凡府省大案

及文武薦賢皆決於景祚已而姜瓖叛大同人心恟懼一日數驚撫軍以景祚攝甯武道以扼其吭景祚疾驅赴之未至已爲賊據卽馳歸議城守而賊騎數十萬連營結寨進逼太原時人心益驚援景祚方從容畫計神氣殊閒雅會有蒙古兵防邊撤回途經太原頒供頓以部牌至景祚笑曰破賊之策在是矣例兵馬不入城景祚與撫軍議以計致之已而徘徊欲去撫軍及藩臬固留之不可得景祚奮袂進曰賊騎臨城人心危懼公爲大將見賊不討而欲倡迷乎大軍一動勢必奔潰失地之罪將有攸歸將軍曰烏合之衆破之不難但非我職奈何景祚曰人臣無職誅逆其職誠撲逆賊安全境土下拯赤子之難而上不貽君父之憂此將軍之所以盡其職也將軍曰然明日遂出師景祚介冑以從與賊戰於晉祠西大破之斬首數萬追奔數十里至其所據城下拔其城賊遁

順天府志九十九

王

去將軍以軍法屠城景祚跪而請曰變孽於逆民賜從耳括此數萬人皆將軍賜遂止已而

王師西下汾水暴漲無船議爲橋以濟檄太原榆次兩縣兩縣辭以水勢洶湧橋不可成撫軍目之曰以此累君景祚設方略爲之橋連成而師濟賊平治其黨所連引幾數百家下景祚鞠之所平反者甚衆甯武饑人相食景祚賑之而饑者蜂起擁馬首令不克濟時甯武倉軍儲數千石不暇請卽日發之曰括此數萬之命罷予一人之官且甘心焉既反命撫軍大喜疏

奏之報曰可當是時名震三晉兩院薦劄皆第一壬辰內擢授廣

東道監察御史巡視西城所言皆國計民生諸大事明年奉

命巡湖北屬吏有不飭者聞風改操西山賊出掠官軍追之獲婦

女數千口景祚勒令放還軍無一人明年補山東左參議備兵東

突桐園盜起結謀窺城邑山東河南直隸三省會剿莫能除標將孫維統沈昇有略景祚專任之授以機宜諭旬而斬賊帥以獻黨皆奔散隨草弭盜急著一疏請兵駐防以善其後乙未歲大饑直省流人入境丐食會逃人之禁方嚴各府懼不敢納景祚慨然曰流民亦吾民也避星誤而輕人之死何忍耶嚴飭屬吏安集高唐刺史佟年首奉令招集數百家卽首薦餘屬爭相倣效流民乃安丙申父卒以憂去官已亥起補杭嘉湖道未逾月

上諭取直省監司名最在後

特奉內陞之

詔庚子遷太常寺少卿遣祀南嶽轉通政使司右通政尋轉左通政司封駁侃侃正言無所避在銀臺者七年丁未轉都察院協理院事左僉都御史尋陞奉天府尹景祚至奉天輯和滿漢軍民各

順天府志九十九

王

安其所無間言先是遷徙人口隸各牛條下景祚特疏請歸州縣遼左舊不榷鹽有豪商叩關請行下景祚議景祚卽曰下疏言遼左不榷鹽者實有遠慮一旦創舉恐滋後日之擾奉

旨罷之辛亥陞大理寺卿素名法司而權多在部院景祚親閱爰

書大案多所駁正一時權貴欽手風節凜然王子惠耕藉田以病

失儀左遷乙卯補鴻臚卿明年春請告回籍王廷景祚清慎廉

介歷官三十年不異寒素康熙七年河決文安濱河地多不可耕

疏請豁免民賴以利唐年七十卒著有拙山房草若干卷父

子並祀鄉賢錄傳

林起龍大興人順治三年進士授吏科給事中疏請嚴禁白蓮大成混元無爲等邪教務絕根株俾間閭勿惑聽聞又以守令得人則教養行而下向化請以招流亡懲荒蕪巡阡陌勸樹藝稽戶口

均賦稅輕徭役除盜賊抑豪強懲衙蠹賑災患濟孤寡修溝池
平治橋梁興舉學校十五事攷其殿最而大吏以時訪察俱如所
奏行四年正月劾山東巡撫丁文盛庸劣無能盜寇充斥因薦大
理寺卿王永吉可代文盛下部議以起龍狗情薦舉降二級外用
尋坐誣劾登州道楊雲鶴職欵擬革職

世祖章皇帝親政覽前奏以起龍因彈劾不實龍廢尚非品行玷
缺者比詔來京候

旨復原官時軍旅數出需餉孔繁未暇講求積貯而八旗禁兵所
得月餉僅堪餬口起龍請勅司計諸臣悉心籌畫先實京倉以及
近輔各省倉儲務使水旱有備調發裕如又言昔年兵在盛京無
餉而富今在京師有餉而貧揆之時地迥異法制尙宜更定凡駐
守征行所需馬匹草束軍裝戎器悉動官帑估值分給俾籌備有

順天府志九十九

資無致拮据疏入

上諭吏部曰滿洲兵建功最多資生無策十年以來章奏未有言
及此者林起龍所奏思慮周詳條畫有緒實心爲國忠誠可嘉嗣
後有關政治民生利害與革者言官俱宜直陳無隱如果有裨政
事朕不靳懋賞

諭部議敘以五品京堂用起龍懇留任奉

旨加銜仍原職十一年轉刑科加大理寺卿銜疏陳州縣官媚事
上司耗費不貲狀乞嚴飭禁革並請遣廉能大吏巡行各省體察
情形延訪利弊疏皆稱

旨飭部議行復疏劾總河楊方輿用賄署官侵剋工料不塞決口
致河北盡遭淹沒工部尙書劉昌不行糾劾乃議令督撫詳勘九
河故道稽延時日冀爲方輿掩罪事下王大臣訊鞠起龍與方輿

昌面質無實坐杖流

上特宥之改降三級調用補光祿寺署正明年諭吏部列科道因
言降革者以奏起龍得授大理寺寺丞十三年游擢右通政大理
寺卿工部侍郎十五年調戶部左侍郎總督倉場明年三月加太
子太保七月考滿廕子入監八月請更定綠旗兵制使兵馬器械
無虛額訓練行伍非具文留有之兵裁無實之費取材技于武
科責愛養于總帥章下所司議行十七年加太子太保兵部尙書
銜巡撫鳳陽先是立懲食例官吏犯贓照輕重科罪不許納贖至
是起龍請仍舊章收贖充餉

上命九卿科道會議從所請

諭曰立法止貪今因濟餉而貸法如民生何所奏俱不合仍前例
行

順天府志九十九

聖祖仁皇帝嗣統授起龍漕運總督康熙元年疏請豁免東海運
居民所遺地糧報可又疏濬涇河開淮城運南運河七十餘里直
達射陽湖近海田廬免患下部知之五年上言漕運倚於河防濟
甯臨清一帶勢雖建瓴泉湖蓄洩隄閘鱗次請飭有司修築俾無
廢缺淺阻又疏禁運兵毋得病民運弁毋得病丁條議以上請
旨頒行時江南浙江省蘇松常嘉湖等府穀賤白糧折征舊額浮
于市價請改征本色

上並納其言初起龍奏禁運丁多攜貨物遲滯漕運令沿途監司
節次稽察儀徵瓜州責之總漕及漕儲道淮安責之淮安道濟甯
責之濟甯總河及濟甯道天津責之倉場及備漕分司以專責成
會哉漕儲道糧艘至儀徵瓜州起龍不復委員稽察至濟甯運丁
有額外攜貨者事覺總河盧崇峻具疏舉報部臣令起龍咨送盤

驗不實諸職名起龍以道員既裁申覆六年四月御史張志尹糾其不自引罪巧言支飾

上命起龍回奏起龍謝罪職乞賜罷斥下部議坐失察

命降三級休致以疾卒於家

王崇簡字敬哉宛平人崇禎進士

一統父受明陝西布政使司右

布政萬厯中進士初仕潞安府推官以清節著一府人稱之曰王

青天但飲潞安水耳

禮部尚書王公行狀

崇簡善屬文旁及詩歌古文辭皆

優爲之相繼受知於國子監司業張鼎提學御史左光斗二公素

名知人每見崇簡文輒歎曰此公輔器也值流賊破京師遂挈其

家播遷東南久之始歸

文妙

世祖順治二年以順天學政曹溶薦補選庶吉士

漢名

尋除秘書

院檢討七十一歷侍讀學士遷詹事府少詹事兼侍讀學士以

順天府志九十九

元

疾請告十二月刑部右侍郎戴明說薦崇簡可大用

世祖素知之遂起於家其明年以原官兼宏文院侍講學士遷

國史院學士

禮部尚書王公行狀

時子熙亦官宏文院學士

世祖章皇帝曰父子同官臣鄰希覩然肩隨齒列恐有未安因擢

崇簡爲禮部侍郎陞尚書加太子太保

唐志

崇簡自爲諸生卽肆

力於學日誦記數千言自經史諸子百氏無不貫穿每考論古今

治亂興廢之故輒慨然有志當世益務爲經濟有用之術在宏文

院

詔察明季殉難諸臣始末崇簡疏言在內如東閣大學士范景文

以下二十有三人在外如山西巡撫都御史蔡懋德等五人或以

其身仗節死或父母兄弟婦子相隨死或家人閭門大小俱死其

忠烈相同宜並賜褒揚以廣作忠之典疏既上時論悉以爲允及

在禮部咸

上知遇益盡心於職掌會御史乞更定帝王廟祀典崇簡疏言廟

祀自前明迄於

本朝曾經增定皆祀從來開創帝王功業顯著者至於守成令主

槩不及與中間如商之中宗高宗周之成王康王其行事俱見詩

書漢之文帝史稱其節用愛民方內安甯家給人足宋之仁宗恭

儉仁恕明之孝宗亦與仁宗相類憂勤惕厲終始不渝此七君者

宜百世祀不當以守成見格又言宋臣潘美不當在從祀列張浚

三命爲將凡三致敗一敗於富平則關陝遂陷再敗於淮西則鄭

瑄叛命三敗於符離則中原遂不可復且劾李綱殺曲端與岳飛

議不合其積忿在於併兵雖爲南渡名臣而初無灼然可見之功

亦當罷其從祀

順天府志九十九

平

詔議祫祭禮崇簡疏言宜奉

肇

興

景

顯四祖及

太祖南向

太宗東向又

詔議大享殿合祀禮疏言

本朝所封啟運山宜附中岳壇天柱隆業二山宜附北岳壇如前

明附祀例有建議請祀周公於孔子廟者崇簡以爲不然疏言周

公制作前代比諸帝王今既配享武王於廟禮數隆重若復祀諸

文廟之中於體爲褻非尊崇之德也議者謂北岳恒山立廟曲陽

非是崇簡以先儒言考之曰按曲陽有三地理志上曲陽屬常山郡在恆山北谷下曲陽屬鉅鹿郡鼓聚少陽亭晉荀吳滅鼓其處也今之曲陽既非鼓聚又不在北谷距恆山絕遠遂疏言宜從議者移祀渾源州爲便是時天下大定朝野又安

天子銳意興禮樂崇簡既鉅儒學問淹洽爲

上所委任而又身居禮官之長一切制度沿革必皆援古證今侃侃建白雖或

廷議糾紛亦皆俟一言而決

上亦必從其言由是眷注日厚堯峯文鈔子熙以禮部侍郎加尚書遷

左都御史兵工二部尚書大拜崇簡時年六十餘尚無恙他北偶談一

父子後先同列海內榮之堯峯文鈔十八年以疾解任康熙十七年卒

漢名臣傳

順天府志九十九

三

賜諡文貞祭葬如例堯峯文鈔崇簡交遊滿天下堯峯文鈔善自謙下崇厲

名教獎引後學孜孜若弗及今世說三每到門投謁必相與握手歎曲

凡被禮遇者人人色喜謂王先生親我諸所獎借其後率皆成名

性清慎不苟於財貨貨前明中貴人何某金百兩何死於盜崇簡

無所歸金遂舍諸僧寺且設位爲文以告曰吾用資故人冥福有

同年生宋某者寓赤金百兩白金千兩於崇簡其家不之知也宋

君歿促其子至如數與之金其子大驚願以其半爲壽笑曰如是

則與乾沒無異乎悉與之平居無聲色博奕之尚晚歲益嗜澹泊

惟潛心先儒義理之說以躬行心得爲主與諸儒論難不強爲異

同及其發之於文原原本本下筆輒千言而悉根柢乎六經其論

詩風雅正變則謂論正變以體不若論之以聲蓋體由聲而定也

三代以上詩與樂出於一古人以聲詩奏之樂是故詩之本在聲

孔子刪詩得其聲則存不得其聲則不存或謂時有正變聲何以有正變不知宮商角徵羽正也變宮變徵皆變也後儒補六笙詩

又補肆夏詩皆未達平聲之義者也論春王正月則謂春秋之作

孔子尊王之作也因魯史之文遵周代之制槩乎無可疑者使以

夏時冠周月是倍王非尊王也是故孔子所書春者卽周之春所

書正月卽周之正月也其說悉有裨於學者至其他碑銘之文尤

見重當世子若孫欲榮其祖父者往往數千里來求其辭皆典核

有則堯峯文鈔爲禮部尚書猶好學寒宵擁鑪鐙明唔不輟諸公子

環坐聽其緒論退而筆之爲冬夜語見箋記時人見其書以爲其

體製嚴而賅其用心仁以恕其立言皆可爲天下後世法今世說三早

遇國變時懷幽憂之感其詩流連沈鬱具才學識之長詩傳聞召

賓從子姓與之觴詠及嬉遊山水間所賦清新整麗見者爭傳頌

順天府志九十九

三

之有青箱堂詩十卷續詩十二卷文集十卷家譜年譜各一卷雜

著述若干卷堯峯文鈔案四庫全書提要云葉方霽序其集

曰色勃然而光味冲然而長蓋實錄也堯峯文鈔子熙燕次樞國子監

典簿次然布政使王文靖公次照行金衛道略

熙字子雍案四庫全書提要順治十四年進士改庶吉士授檢

討一統十年春

世祖親試習國書翰林列優等

召見以滿語奏對大蒙

褒賞先正事略尋遷司業中允洗馬諭德漢名臣傳

召入南苑常譯大學衍義及勸善書遂

命長直南苑常隨獵

賜乘御馬先正事略會初設